

Broj: 18/01-44-020040/14  
Tuzla, 03.09.2014. godine

**I N F O R M A C I J A**  
**o poplavama i klizištima na području TK u periodu**  
**maj – august 2014. godine i nevremenu sa**  
**obilnim kišnim padavinama, snažnim vjetrom i gradom**

**I UVOD**

Usljed dugotrajnih padavina koje su se intenzivirale u periodu od 14. do 17. maja, u svim općinama TK, došlo je do naglog porasta vodostaja u vodotocima, a zatim i do izljevanja vode iz korita i poplava. Za četiri dana ukupno je palo više od  $250 \text{ l/m}^2$  kiše, što je 2,7 puta više u odnosu na prosječnu količinu mjesečnih padavina za mjesec maj, koja za Tuzlu iznosi  $92 \text{ l/m}^2$ .

Nivo vode u akumulaciji Modrac je rastao 10-14 cm/h, preliv vode preko kote krune brane aktiviran je 15.05. u 1,20 sati, a najveća količina dotoka vode u akumulaciju je zabilježena u 19,00 sati i iznosila je  $1.599,16 \text{ m}^3/\text{s}$  (to je 46,17% više od 1.000 godišnje vode koja iznosi  $1.094 \text{ m}^3/\text{s}$ ). Dana 16.05.2014. godine u 13,00 sati je zabilježen najviši nivo vodostaja u profilu brane koji je iznosio 203,42 m.n.m. uz isticanje najveće količine vode sa profila brane od  $1.131,64 \text{ m}^3/\text{s}$ . Od 15,00 sati registrovano je opadanje nivoa vode u kontinuitetu.

Od 05.08. u 18,00 sati do 06.08.2014. godine u 10,00 sati palo je  $127,8 \text{ l/m}^2$  kiše, što znači da su padavine za 16 sati bile za oko 50% veće od prosječne količine mjesečnih padavina za mjesec august, koja za Tuzlu iznosi  $84 \text{ l/m}^2$ .

Nivo vode u akumulaciji Modrac je neprekidno rastao, pa je 07.08.2014. godine u 19,00 sati dostigao svoj maksimum, kada je iznosio 200,61 metara nad morem odnosno 61 cm preko kote krune preliva, uz ukupan dotok vode u akumulaciju od  $126 \text{ m}^3/\text{s}$  i ukupno isticanje od  $126 \text{ m}^3/\text{s}$ . Od tada se bilježi stagnacija i opadanje nivoa vode.

Dana 23.08.2014. godine, u popodnevnom satima, snažno nevrijeme praćeno obilnim kišnim padavinama, snažnim vjetrom i gradom, zahvatilo je područje općina Doboj Istok, Gračanica, Srebrenik, Gradačac i Čelić.

Usljed obilnih padavina došlo je do naglog porasta vodostaja lokalnih vodotoka, a zatim i do izljevanja vode iz korita i poplava.

**1. Poplave i klizišta**

Obilne kišne padavine za kratko vrijeme su uzrokovale dramatičan porast svih vodotokova na području Tuzlanskog kantona. Bujični vodotoci su izazvali plavljenje velikog broja stambenih, poslovnih i infrastrukturnih objekata. Veliki broj mostova je uništen ili oštećen, veliki broj lokalnih puteva je zatvoren, a zabilježene su teškoće u odvijanju saobraćaja na regionalnim i magistralnim putevima.

Ispuštanje maksimalnih količina vode kroz sva 3 temeljna otvora na brani akumulacije Modrac dodatno je pogoršalo stanje na poplavljenom području, izljevanjem rijeke Spreče iz korita, nizvodno od HA Modrac.

Ubrzo nakon toga aktivirana su brojna klizišta i odroni zemljišta na području svih 13 općina TK, koja su ugrozila i oštetila izuzetno veliki broj stambenih i industrijskih objekata, magistralnih, regionalnih i lokalnih puteva te drugih infrastrukturnih objekata.

Registровано je preko 5.500 klizišta i odrona na području Tuzlanskog kantona, od toga samo u općini Tuzla preko 1.900, uzrokujući ugrožavanje života građana, prekid komunikacija i ogromnu materijalnu štetu.

U tabelama 1, 2 i 3 dat je kratak prikaz posljedica izazvanih poplavama i klizištima u mjesecu maju na osnovu preliminarnih podataka dobijenih od općinskih službi civilne zaštite.

Općina	Stanovništvo			Stambeni objekti		Površina oštećenih zasada (ha)	Stočni fond Uginulo
	Umrli/ poginuli	Oboljeli/ povrijeđeni	Evakuirani	Porušeni	Oštećeni		
Banovići	0	4	63	14	120	20	0
Čelić	0	0	220	2	50	200	0
D. Istok	0	4	518	1	6	620	0
Gračanica	0	0	504	16	277	756	10
Gradačac	0	0	90	0	18	4563,55	0
Kalesija	0	1	1018	25	146	700	0
Kladanj*	0	0	82	2	76	68	123
Lukavac	0	40	2040	5	545	1190	0
Sapna	0	30	381	36	243	0	0
Srebrenik	0	1	262	45	500	350	0
Teočak*	0	0	72	7	56	76	0
Tuzla	0	2	886	48	622	270,5 <sup>□</sup>	50
Živinice	0	0	185	5	718	2500	10
<b>Ukupno</b>	<b>0</b>	<b>82</b>	<b>6321</b>	<b>206</b>	<b>3377</b>	<b>11314,05</b>	<b>193</b>

\*za označene općine podaci su ažurirani na dan 21.05.2014. godine <sup>□</sup>zasadi oštećeni poplavom (nema podataka za klizišta)

Tabela 1 - Prikaz posljedica izazvanih poplavama i klizištima na osnovu preliminarnih podataka dobijenih od općinskih službi civilne zaštite na dan 21.05.2014. i 27.05.2014. godine

Broj prijavljenih klizišta u općinama TK dat je u tabeli 2.

R/b	Općina	Broj prijavljenih klizišta
1.	Banovići	254
2.	Čelić	282
3.	Doboj Istok	181
4.	Gračanica*	400
5.	Gradačac	288
6.	Kalesija*	803
7.	Kladanj	204
8.	Lukavac*	240
9.	Sapna	86
10.	Srebrenik	555
11.	Teočak	171
12.	Tuzla*	1976
13.	Živinice	147
<b>Ukupno</b>		<b>5587</b>

Tabela 2 - Klizišta i odroni po općinama na dan 23.06.2014. godine (Vrijednosti označene sa \* su ažurirane na dan 15.07.2014. godine)

Općina	Stambeni objekti				Pomoćni objekti			
	Uništeno		Oštećeno		Uništeno		Oštećeno	
	Poplave	Klizišta	Poplave	Klizišta	Poplave	Klizišta	Poplave	Klizišta
Banovići	0	14	40	100	0	10	20	50
Čelić	2	18	34	46	1	2	0	1
Doboj Istok	0	0	55	19	0	1	35	40
Gračanica*	0	70	215	82	7	34	137	25
Gradačac	0	10	50	26	0	5	10	5
Kalesija*	0	33	8	734	0	33	2	145
Kladanj	0	3	66	36	5	4	0	35
Lukavac*	3	5	460	218	0	19	0	42
Sapna	0	25	1	191	7	65	0	105
Srebrenik	0	39	173	130	0	7	0	6
Teočak	0	7	23	48	0	1	10	28
Tuzla*	0	378	0	621	0	235	0	250
Živinice	30	43	676	51	30	12	280	25
<b>Ukupno</b>	<b>35</b>	<b>645</b>	<b>1801</b>	<b>2302</b>	<b>50</b>	<b>428</b>	<b>494</b>	<b>757</b>
<b>Sveukupno</b>	<b>680</b>		<b>4103</b>		<b>478</b>		<b>1251</b>	

Tabela 3 - Stambeni i pomoćni objekti ugroženi poplavama i klizištima na dan 23.06.2014. godine

(Vrijednosti označene sa \* su ažurirane na dan 15.07.2014. godine)

Važno je napomenuti da su u svim općinama ugrožena ili klizištem pomjerena pojedina lokalna groblja i mezarja a na nekima je potrebno izvršiti i eshumaciju, što iziskuje značajna materijalna sredstva.

### 1.1 Evakuacija i smještaj ugroženog stanovništva

Pored ogromnih materijalnih šteta poplave i klizišta prouzročile su i evakuaciju velikog broja stanovnika na području Tuzlanskog kantona, uslijed čega su lokalne zajednice bile prinuđene formirati više prihvatnih centara za privremeni smještaj evakuisanih lica.

Prihvatni centri su formirani u općinama Sapna, Tuzla i Živinice (VB „Dubrave).

### 1.2 Stanje objekata osnovnih i srednjih škola na području TK, poslije poplava

Većina objekata nema neka veća vidna oštećenja uslijed poplava i klizišta. Škole koje su pretrpjele oštećenja su:

- Područna škola u MZ Gornje Hrasno, općina Kalesija koja je uništena.
- Područna škola Zukići, općina Kalesija, koju je zahvatilo klizište i nije uslova za održavanje nastave.
- Područna škola Dragunja, općina Tuzla, gdje je prekinut pristupni put školi.

U oko 30 škola, poplavljene su podrumske prostorije, kotlovnice ili radionice koje su na nižim nivoima. U svim poplavljenim objektima izvršeno je čišćenje i dezinfekcija, deratizacija i dezinsekcija.

### 1.3 Opasnosti od pomjeranja minskih polja i zaostalih neeksplodiranih ubojitih sredstava

Kao posljedica djelovanja nabujalih rijeka i aktiviranja velikog broja klizišta na području TK prisutna je realna opasnost od pomjeranja minskih polja, donošenja i izbacivanja

na površinu zaostalih neeksplozivnih ubojitih sredstava (NUS) kao i pomjeranja i uništavanja minskih oznaka kao jedinog upozorenja na zaostale mine.

Posebno velika opasnost je prisutna na putu Tuzla – Ban Brdo (osobito u MZ Seljublje) i Tuzla – Lopare (područje iznad G. Tuzle). Predstavnici Kantonalne uprave CZ i RU BHMAL-a Tuzla su 19. i 20.05.2014. godine sa predstavnikom Ministarstva trgovine, turizma i saobraćaja obišli ove dionice i ukazali na opasne zone na kojima se radovi moraju izvoditi uz povećanu pažnju i tijesnu saradnju sa izviđačima RU BHMAL-a iz Tuzle.

Ista opasnost postoji i na području drugih općina na kojima putne komunikacije prolaze kroz registrirana minska polja.

## **2. Nevrijeme sa obilnim kišnim padavinama, snažnim vjetrom i gradom**

Snažno nevrijeme praćeno obilnim kišnim padavinama, snažnim vjetrom i gradom, zahvatilo je 23.08.2014. godine, područje općina Doboj Istok, Gračanica, Srebrenik, Gradačac i Čelić.

Na području općine **Doboj Istok** lokalni vodotoci su poplavili 50 objekata, te uzrokovali štete na na koritima vodotoka i na putnoj infrastrukturi na prostoru cijele općine. Led je uzrokovao manje štete na poljoprivrednim kulturama. Općinski štab CZ je angažovao radne mašine u cilju čišćenja vodotoka i sanacije puteva.

Na području općine **Gračanica** jako nevrijeme praćeno gradom veličine jabuke, vjetrom i kišom, prouzrokovalo je oštećenja na više od 1.000 stambenih objekata, dvije osnovne škole, matičnom uredu, ambulanti, domu kulture, više trgovačkih objekata, više stotina ekonomskih objekata i na motornim vozilima, u naseljima Donja Orahovica, Miričina, Rašljeva i dio Lendića i Malešića. Na svim stambenim objektima stradao je crijep. Zbog preventivnih razloga u navedenim naseljima bilo je isključeno je snabdjevanje električnom energijom. Natopljena zemlja nije mogla primiti nove količine vode, koja se za kratko vrijeme sručila na područje Gračanice, pa su se novonastale bujice slijevale sa brda prema dolini, uništivši lokalne makadamske puteve i nanoseći šljunak na magistralni put Tuzla - Doboj.

Više stambenih objekata na području MZ Stjepan Polje, MZ Rašljeva i MZ Orahovica je poplavljeno. Općinski načelnik, koji je ujedno i komandant općinskog štaba CZ, uputio je zahtjev za pomoć Vladi Federacije BiH, Federalnom štabu CZ, Vladi TK, Kantonalnom štabu CZ u građevinskom materijalu – 1.000.000 komada crijepa, obzirom da se u narednim danima predviđa kišovito vrijeme. Općina je obezbijedila pomoć u najlonskim folijama.

Snažno nevrijeme pogodilo je i općinu **Srebrenik**, uzrokujući prekid u putnim komunikacijama, telefonskom saobraćaju, elektroenergetskom napajanju pojedinih mjesta. Olujni vjetar je čupao drveće, skidao krovove na kućama i drugim objektima, a oštećena su i motorna vozila i poljoprivredna dobra. Zbog obilnih kišnih padavina došlo je do izlivanja potoka i odvodnih kanala koji su poplavili veći broj stambenih i drugih pratećih objekata.

Grad promjera oko 50 mm pričinio je materijalne štete na stambenim i privrednim objektima, vozilima, poljoprivrednim usjevima. U firmi „Zaharex“ voda je prodrla u proizvodne pogone, procjenjuje se da šteta iznosi oko 150.000 KM.

Općinski načelnik proglasio stanje prirodne nepogode od leda.

Na području općine **Gradačac**, u MZ Biberovo Polje, uslijed jake kiše i velike količine površinskih voda jedan stambeni objekat je poplavljen. Ispaljivane su protugradne rakete.

Na području općine **Čelić** obilne kišne padavine su uzrokovale porast lokalnih vodotoka, koji su ugrozili 30 stambenih objekata, a napravljene su velike štete na lokalnim putevima, koji su već bili oštećeni prethodnim poplavama.

Grad je načinio velike štete na poljoprivrednim usjevima: kukuruzu, jagodama, voćnjacima. Nisu prijavljene štete na stambenim objektima.

Premijer Bahrija Umihanić i komandant KŠCZ Samid Šarac posjetili su općine Gračanica i Srebrenik.

## II RUKOVOĐENJE AKCIJAMA ZAŠTITE I SPAŠAVANJA

Od početka nesreće aktivni su općinski štabovi civilne zaštite.

### 1. Odluke o proglašenju stanja nesreće

Zbog obilnih kišnih padavina i bujičnih vodotoka koji su izašli iz svojih korita i počeli ugrožavati ljude i njihovu imovinu na području cijelog kantona, na prijedlog općinskih štabova civilne zaštite, općinski načelnici su donijeli odluke o proglašenju stanja prirodne nepogode od poplava i klizišta na svim općinama Tuzlanskog kantona.

Zbog veoma loše situacije na terenu, Odluku o proglašenju stanja prirodne nepogode od poplava i klizišta je na prijedlog Kantonalnog štaba civilne zaštite (u daljem tekstu: KŠCZ) donijela i Vlada TK, Odlukom broj: 02/1-44-011779/14 od 15.05.2014. godine.

Navedenim odlukama općinski i KŠCZ su preuzeli ulogu rukovođenja akcijama zaštite i spašavanja.

### 2. Rukovođenje akcijama zaštite i spašavanja na području općina

Svi općinski štabovi su obavljali poslove u skladu sa Zakonom o zaštiti i spašavanju. U skladu sa općinskim planom zaštite i spašavanja, štabovi su rukovodili akcijama zaštite i spašavanja, koristeći snage i sredstva zaštite i spašavanja i sve raspoložive resurse općine.

### 3. Rukovođenje akcijama zaštite i spašavanja na području kantona

Donošenjem odluke o proglašenju stanja prirodne nepogode na području TK, KŠCZ je pristupio rukovođenju akcijama zaštite i spašavanja. KŠCZ je bio u stalnom zasjedanju u prostorijama Kantonalne uprave civilne zaštite.

## III PROCJENA ŠTETE

Preliminarne procjene pokazuju da se radi o štetama koje su takvih razmjera da prevazilaze ekonomske mogućnosti općina i kantona, te će biti neophodna pomoć viših nivoa vlasti (tabela 4. i tabela 5.).

R/b	Općina	Preliminarna procjena šteta (posljedice poplava i klizišta u maju 2014.	Preliminarna procjena šteta (posljedice poplava i klizišta u augustu 2014. godine)	Ukupno
1.	Banovići	5.460.000	3.100.000,00	8.560.000,00
2.	Čelić	10.135.000	11.260.000,00	21.395.000,00
3.	Doboj Istok	14.800.000	19.904.013,53	34.704.013,53
4.	Gračanica	43.939.000	26.455.000,00	70.394.000,00
5.	Gradačac	19.900.000	13.300.000,00	33.200.000,00
6.	Kalesija	6.635.000	1.630.000,00	8.265.000,00
7.	Kladanj	8.031.000	1.189.283,95	9.220.283,95
8.	Lukavac	13.768.200	16.412.000,00	30.180.200,00
9.	Sapna	14.355.000	1.115.000,00	15.470.000,00
10.	Srebrenik	14.485.000	22.591.000,00	37.076.000,00
11.	Teočak	6.119.000	247.959,00	6.366.959,00
12.	Tuzla	352.760.000	800.000,00	353.560.000,00
13.	Živinice	8.986.300	1.674.000,00	10.660.300,00
	<b>Ukupno</b>	<b>519.373.500</b>	<b>119.678.256,48</b>	<b>639.051.756,48</b>

Tabela 4 - Preliminarne procjene šteta po općinama

R/b	Preliminarna procjena štete						
1.	Vrsta prirodne ili druge nesreće	Stanje prirodne nesreće usljed poplave i klizišta, na području TK	maj 2014. godine	august 2014. godine	Ukupno		
3.	Stanovništvo	Umrli/poginuli	0	0	0		
		Ranjeni/oboljeli	88	2	90		
		Evakuirani (broj stanovnika)	4.919	2.367	7.286		
4.	Preliminarna šteta (prva vizuelna procjena štete na ugroženom području)	Stambene zgrade	Broj porušenih	441	3	444	
			Iznos štete KM	<b>36.930.000,00</b>	<b>120.000,00</b>	<b>37.050.000</b>	
			Broj oštećenih	4.662	3.319	7.981	
		- zemljište	Površina u ha	13.430	7.273,50	20.703,50	
			<b>Iznos u KM</b>	<b>348.025.000,00</b>	<b>24.095.080,53</b>	<b>372.120.080</b>	
		- zasadine	Uginulo	143	1.927	2.070.	
			Iznos štete KM	<b>64.000,00</b>	<b>50.000,00</b>	<b>114.000</b>	
			Oboljelo	400	200	600	
		Stočni fond (štete)	<b>Iznos u KM</b>	<b>60.000,00</b>	<b>10.000,00</b>	<b>70.000</b>	
			Ostale štete	<b>Ukupno (KM)</b>	<b>91.401.500,00</b>	<b>78.174.306,45</b>	<b>169.575.806</b>
				<b>Ukupno (KM)</b>	<b>519.373.500,00</b>	<b>119.678.256,48</b>	<b>639.051.756,48</b>

Tabela 5 - Preliminarne procjene šteta na nivou kantona

Procjenu štete od nevremena praćenog obilnim kišnim padavinama, snažnim vjetrom i gradom, koje je 23.08.2014. godine zahvatilo nekoliko općina TK, sačinila je jedino općina Gračanica. Grad je zahvatio područja mjesnih zajednica Donja Orahovica, Miričina i Rašljeva načinivši 100% štetu na usjevima zasijanim na oko 110 ha.

Kultura	Učešće u ukupnoj površini (%)	Površina (ha)	Prinos (t/ha)	Cijena (KM/t)	Iznos štete (KM)
Kukuruz merkantilni	20	22	3	400,00	26.400,00
Povrće	80	88	10	1000,00	880.000,00
<b>Ukupno</b>		<b>110</b>			<b>906.400,00</b>

Tabela 6 – Štete od grada na poljoprivrednim usjevima

Štete od grada su registrovane na 1583 stambena i 1326 pomoćnih i ekonomskih objekata i procjenjuju se na 1.724.760,00 KM.

U navedene tri mjesne zajednice oštećen je 271 automobil a šteta je procjenjena na 406.500,00 KM.

Ukupne štete od grada na području općine Gračanica iznose 3.037.660,00 KM.

#### IV PREGLED POMOĆI DODJELJENE OPĆINAMA SA NIVOVA KANTONA

Na 6. vanrednoj sjednici održanoj 17.05.2014. godine, KŠCZ je donio saglasnost kojom se odobrava direktoru KUCZ da, u skladu sa članom 6. Odluke o postupku i uslovima za dodjelu jednokratne novčane pomoći općinama Tuzlanskog kantona za otklanjanje šteta nastalih od prirodnih i drugih nesreća („Službene novine TK“, broj: 6/12), donese odluke o isplati akontacije po 10.000,00 KM svim općinama na području Tuzlanskog kantona, odnosno ukupno 130.000,00 KM.

KŠCZ je na 11. vanrednoj sjednici održanoj 27.05.2014. godine donio Odluku kojom je, na prijedlog Kantonalne komisije za procjenu šteta od prirodnih i drugih nesreća, općinama na području TK dodjeljeno po 40.000,00 KM za hitne intervencije na otklanjanju šteta

nastalih djelovanjem prirodne nesreće uzrokovane poplavama i klizištima, odnosno ukupno 520.000,00 KM.

Na prijedlog Kantonalne komisije za procjenu štete Vlada TK je na svojoj 8. redovnoj sjednici, održanoj 29.05.2014. godine, donijela Odluku kojom je iz budžetske rezerve dodijeljena pomoć općinama za hitne intervencije po 1.500 KM, odnosno ukupno 19.500 KM. Vlada TK je u skladu sa propisanim procedurama zatražila pomoć od Federalog štaba civilne zaštite i Vlade Federacije BiH.

Na 14. vanrednoj sjednici, održanoj 14.08.2014. godine, Vlada Tuzlanskog kantona donijela je Odluku o dodjeli jednokratne novčane pomoći općinama iz sredstava posebne naknade za hitne intervencije u toku prirodne nesreće od poplava i klizišta na području Tuzlanskog kantona u avgustu mjesecu 2014. godine. Vlada TK odobrava isplatu iz sredstava posebne naknade Općini Tuzla 286.000,00 KM, općinama Grčanica, Lukavac i Srebrenik po 117.000,00 KM, općinama Gradačac, Kalesija i Živinice po 91.000,00 KM, dok će Banovići, Čelić, Doboj Istok, Kladanj, Sapna, Teočak dobiti po 65.000,00 KM. Općine su obavezne podnijeti pisani izvještaj i dokumentovano opravdati potrošnju dodijeljenih sredstava.

R/b	Općina	Sredstva dodijeljena općinama iz budžeta TK	Sredstva dodijeljena općinama iz posebne naknade za zaštitu ispašavanje	Ukupno
1.	Banovići	1.500,00	115.000,00	116.500,00
2.	Čelić	1.500,00	115.000,00	116.500,00
3.	Doboj Istok	1.500,00	115.000,00	116.500,00
4.	Gračanica <sup>1</sup>	1.500,00	167.000,00	168.500,00
5.	Gradačac	1.500,00	141.000,00	142.500,00
6.	Kalesija	1.500,00	141.000,00	142.500,00
7.	Kladanj	1.500,00	115.000,00	116.500,00
8.	Lukavac	1.500,00	167.000,00	168.500,00
9.	Sapna	1.500,00	115.000,00	116.500,00
10.	Srebrenik	1.500,00	167.000,00	168.500,00
11.	Teočak	1.500,00	115.000,00	116.500,00
12.	Tuzla	1.500,00	336.000,00	337.500,00
13.	Živinice	1.500,00	141.000,00	142.500,00
<b>Ukupno</b>		<b>19.500,00</b>	<b>1.950.000,00</b>	<b>1.969.500,00</b>

Tabela 6 - Sredstva dodijeljena općinama

Na 5. vanrednoj sjednici održanoj 16.05.2014. godine, KŠCZ je donio odluku kojom se dodjeljuje dizel gorivo (naftu) općinskim štabovima civilne zaštite (po 400 litara), Ministarstvu unutrašnjih poslova TK (400 litara) i Crvenom krstu/križu Tuzlanskog kantona (200 litara).

Na 8. vanrednoj sjednici održanoj 19.05.2014. godine, KŠCZ je donio odluku kojom se odobrava isplata sredstava posebne naknade, u ukupnom neto iznosu od 10.000,00 KM, Zavodu za javno zdravstvo Tuzlanskog kantona, koja će se koristiti za nabavku opreme i sredstava za obavljanje poslova dezinfekcije, dezinsekcije i deratizacije, kao i za kontrolu higijenske ispravnosti vode za piće na području TK. Na ovoj sjednici održanoj KŠCZ je donio i odluku kojom se dodjeljuje dizel gorivo (naftu) Ministarstvu unutrašnjih poslova TK (400 litara) i Crvenom krstu/križu Tuzlanskog kantona (200 litara).

<sup>1</sup> Općina Gračanica je pored navedenih sredstava dobila 20.000,00 KM na ime jednokratne novčane pomoći za otklanjanje šteta nastalih prilikom nevremena od 23.08.2014. godine.

Na 10. vanrednoj sjednici održanoj 23.05.2014. godine, KŠCZ je donio odluku kojom se odobrava isplata sredstava posebne naknade, u ukupnom neto iznosu od 3.000,00 KM, regionalnom odboru „Merhamet“ Tuzla, kao pomoć za nabavku dizel goriva, zbog povećanog broja korisnika Narodne kuhinje a samim tim i troškova prevoza.

Na 22. vanrednoj sjednici održanoj 25.08.2014. godine KŠCZ je dao saglasnost direktoru Kantonalne uprave civilne zaštite Tuzla, da u skladu sa članom 6. Odluke o postupku i uslovima za dodjelu jednokratne novčane pomoći opštinama Tuzlanskog kantona za otklanjanje šteta nastalih od prirodnih i drugih nesreća („Službene novine TK“, broj: 6/12), donese odluku o isplati akontacije u iznosu od 20.000,00 KM općini Gračanica.

## V ZAKLJUČNA RAZMATRANJA

1. Obilne kišne padavine u vremenu od 12. do 17.05.2014. godine kao i u periodu od 05. do 06.08.2014. godine, uzrokovale su nagli porast vodostaja u svim vodotocima, izljevanje iz korita i nezapamćenim poplavama na području cijelog Tuzlanskog kantona. Poplavljeno je više stotina stambenih i pomoćnih objekata, industrijskih objekata i poljoprivrednog zemljišta. Dostignuta je rekordna visina preljeva na brani HA Modrac od 3,42 m što je dovelo u opasnost stabilnost objekta brane. Došlo je do prekida putnog i željezničkog saobraćaja i plavljenja i oštećenja magistralnih, regionalnih i lokalnih puteva. Obustavljena je nastava u osnovnim i srednjim školama i na Univerzitetu u Tuzli.
2. Na području TK aktivirano je preko 5.500 klizišta koja su uništavala cijela naselja i nanijela ogromnu materijalnu štetu. Najteža situacija bila je na području općine Tuzla gdje je aktivirano preko 1.900 klizišta.
3. Stanje prirodne nepogode zbog poplava i klizišta proglašeno je na svim općinama i na nivou TK. Aktivirani su štabovi civilne zaštite koji su rukovodili akcijama zaštite i spašavanja građana i njihove imovine.
4. U akcijama zaštite i spašavanja u mjesecu maju evakuirano je oko 6.320 građana i smješteno kod rodbine, prijatelja i prihvatne centre koje su organizirali štabovi civilne zaštite. U mjesecu augustu evakuirano je oko 2.367 građana i smješteno kod rodbine, prijatelja i prihvatne centre koje su organizirali štabovi civilne.
5. Značajan doprinos u toku trajanja nesreće dale su OS BiH i pripadnici 5. pješadijske brigade smješteni u Vojnoj bazi Dubrave kroz pružanje pomoći u evakuaciji građana, njihovom prijatu i smještaju u vojnoj bazi, prevozu na poplavljenim dijelovima putnih komunikacija i izvođenju radova na zaustavljanju klizišta.
6. Crveni križ TK sa svojim općinskim organizacijama dao je veoma veliki doprinos zbrinjavanju evakuiranog stanovništva, osiguranju i distribuciji humanitarne robe do svih evakuiranih građana.
7. Zavod za javno zdravstvo TK je dao značajan doprinos u normalizaciji stanja na poplavljenim i klizištima ugroženim područjima kroz kontrolu ispravnosti vode za piće i u suradnji sa HES službama domova zdravlja na dezinfekciji posebno obrazovnih objekata.
8. Ministarstvo unutrašnjih poslova TK učestvovalo je i dalo veliki doprinos u normalizaciji života, komunikacija, sigurnosti napuštenih objekata kao i kroz konkretne akcije spašavanja građana iz poplavljenih objekata.
9. U toku trajanja nesreće i u akcijama zaštite i spašavanja nije bilo smrtnog stradanja građana i spasilaca. Na izvođenju radova na hitnim mjerama sanacije terena na području općine Tuzla povrijeđena su 2 uposlenika općine Tuzla, jedan sa prelomom noge a drugi sa lakšim povredama.



10. Od strane općinskih komisija za procjenu šteta urađena preliminarna procjena štete od poplava i klizišta. Ukupna preliminarna šteta procijenjena je na 639.051.756,48 KM.
11. Konačne procjene šteta u općinama, Općinske komisije za procjenu šteta dužne su dostaviti Kantonalnoj komisiji za procjenu šteta u roku od 60 dana od proglašenja prestanka stanja prirodne nesreće na području općine ili prestanka stanja prirodne nesreće na području Kantona. S obzirom da je stanje prirodne nesreće proglašeno i još uvijek na snazi, većina općinskih komisija još uvijek nisu okončale poslove oko procjene šteta. Općine Čelić, Doboj Istok, Gračanica, Kladanj i Kalesija, izvršile su procjenu šteta i dostavile su svoje izvještaje o procjeni Kantonalnoj komisiji za procjenu šteta, iako je na području tih općina i dalje proglašeno stanje prirodne nesreće, pa očekivati je da će i visine tih šteta biti veće odnosno biti korigovane.
12. Odlukama Kantonalnog štaba civilne zaštite iz robnih rezervi Tuzlanskog kantona dodijeljena je pomoć općinama od 400 l dizel goriva za brzo djelovanje u provođenju akcija zaštite i spašavanja. Crvenom križu TK je dodijeljeno 400 l i MUP-a TK 800 l dizel goriva za potrebe pojačanih troškova u obavljanju poslova podrške akcijama zaštite i spašavanja.
13. Svim općinama Tuzlanskog kantona dodijeljena je akontacija pomoći od po 10.000,00 KM za hitne intervencije na početku nesreće, a kasnije i novih 40.000,00 KM pomoći od Kantonalnog štaba civilne zaštite, iz sredstava Posebne naknade za zaštitu od prirodnih i drugih nesreća. Također, općinama je dodijeljena jednokratne novčane pomoći općinama iz sredstava posebne naknade za hitne intervencije u iznosu od 1.300.000,00 KM. Ukupno je općinama dodijeljena pomoć u iznosu od 1.950.000,00 KM sredstava posebne naknade za obavljanje hitnih intervencija na provođenju mjera zaštite i spašavanja u rukovođenju akcijama zaštite i spašavanja od strane općinskih štabova civilne zaštite.
14. Na prijedlog Kantonalne komisije za procjenu štete Vlada TK je iz budžetske rezerve dodijela pomoć za hitne intervencije od 1.500,00 KM odnosno ukupno 19.500,00 KM. Vlada TK je u skladu sa propisanim procedurama zatražila pomoć od Federalog štaba civilne zaštite i Vlade Federacije BiH.
15. U Centar za prihvata, uskladištenje i distribuciju humanitarne robe, koji je organizirao Kantonalni štab civilne zaštite i na račun za uplatu novčanih sredstava za pomoć nastradalom stanovništvu, koji je otvorila Vlada TK nije do sada pristigla značajnija pomoć.
16. Ostvaren je veliki broj kontakata sa predstavnicima međunarodnih organizacija od strane Kantonalnog štaba civilne zaštite i članova Vlade TK i efekti tih razgovora se osjećaju kroz isporuku odgovarajuće opreme i kadrova.
17. U toku trajanja nesreće pružana je pomoć građanima i štabovima civilne zaštite u Posavskoj županiji, Brčko Distriktu BiH i Republici Srpskoj.
18. U okviru Univerziteta u Tuzli je formiran Krizni štab i stručni kadrovi posebno RGGF-a direktno su učestvovali u pružanju stručne pomoći na terenu.

Prilog: Tabela 7 - Visina procijenjene štete prema izvještajima Općinskih komisija

**DIREKTOR**

Mr.sci. Zdenko Tadić

Općina	Upućen zahtjev za pomoć, od strane Općinskog načelnika	Izveštaj o procjenjenoj šteti	Visina procjenjene štete (KM)	Proglašeno stanje prirodne nepogode	Proglašen prestanak stanja prirodne nepogode
Čelić	Da, od 24.07.2014. god. (nije naveden iznos u KM)	Da, Općinsko vijeće usvojen 14.07.2014. god. (14.05. - 25.07. 2014.)	7.829.794,25	14.05.2014. god. 06.08.2014. god.	26.06.2014. god. -
Doboj Istok	Da, od 22.08.2014. god. (2.500.000,00 KM)	Da, Općinsko vijeće usvojen 11.08.2014. god. (14.05. - 31.07. 2014.)	19.403.442,62	14.05.2014. god.	-
Gračanica	Da, od 18.06.2014. god. (5.000.000,00 KM)	Da, Općinsko vijeće usvojen 17.06.2014. god. (05.05. - 16.06. 2014.)	44.640.680,00	05.05.2014. god. 14.05.2014. god.	13.05.2004. god. -
Gradačac <sup>1</sup>	Da, od 28.08.2014. god. (700.000,00 KM)	Da, Općinsko vijeće usvojen 15.08.2014. god. (25.06. - 01.07. 2014.)	7.726.263,24	25.06.2014. god.	01.07.2014. god.
Kalesija	Nije upućen Zahtjev za pomoć	Izveštaj o radu Općinske komisije za procjenu šteta, usvojilo OV, dana 17.06.2014. g.	41.739.871,62	15.05.2014. god.	-
Kladanj	Nije upućen Zahtjev za pomoć	Izveštaj o procjeni štete od prirodne nepogode u maju i junu 2014. godine. Nema Zaključka o usvajanju na OV!	7.209.133,19	14.05.2014. god. 06.08.2014. god.	02.07.2014. god. -

Tabela 7 - Visina procjenjene štete prema izvještajima Općinskih komisija

**Napomena:** Općine Čelić, Doboj Istok, Gračanica, Kladanj i Kalesija, izvršile su procjenu šteta i dostavile su svoje izvještaje o procjeni Kantonalnoj komisiji za procjenu šteta, iako je na području tih općina i dalje proglašeno stanje prirodne nesreće, pa je za očekivati da će i visine tih šteta biti veće odnosno da će biti korigovane.

<sup>1</sup> Procjena štete u općini Gradačac se odnosi samo na posljedice prirodne nesreće od grada u periodu 26.06. do 01.07.2014.